



Comhairle an
Aontais Eorpaigh

An Bhruiséil, 12 Meitheamh 2018
(OR. en)

**Comhad Idirinstitiúideach:
2018/0232 (COD)**

9929/18
ADD 1

UD 119
ENFOCUSTOM 122
MI 445
COMER 54
TRANS 253
ECOFIN 594
CODEC 1012

TOGRA

ó:	Ard-Rúnaí an Choimisiúin Eorpaigh, arna shíniú ag Jordi AYET PUIGARNAU, Stiúrthóir
chuig:	Jeppe TRANHOLM-MIKKELSEN, Ardrúnaí Chomhairle an Aontais Eorpaigh
Uimh. an doic. ón gCoim.:	COM(2018) 442 final, IARSCRÍBHINN 1 go hIARSCRÍBHINN 2
Ábhar:	IARSCRÍBHINNÍ a ghabhann leis an Togra le haghaidh RIALACHÁN Ó PHARLAIMINT NA hEORPA AGUS ÓN gCOMHAIRLE lena mbunaítear an clár 'Custaim' chun comhar a dhéanamh i réimse an chustaim

Gheobhaidh na toscaireachtaí i gceangal leis seo doiciméad COM(2018) 442 final, IARSCRÍBHINN 1 go hIARSCRÍBHINN 2.

Faoi iamh: COM(2018) 442 final, IARSCRÍBHINN 1 go hIARSCRÍBHINN 2



AN COIMISIÚN
EORPACH

An Bhruiséil, 8.6.2018
COM(2018) 442 final

ANNEXES 1 to 2

IARSCRÍBHINNÍ

a ghabhann leis an Togra le haghaidh

RIALACHÁN Ó PHARLAIMINT NA hEORPA AGUS ÓN gCOMHAIRLE

lena mbunaítear an clár 'Custaim' chun comhar a dhéanamh i réimse an chustaim

{SEC(2018) 295 final} - {SWD(2018) 321 final} - {SWD(2018) 322 final}

IARSCRÍBHINN 1

Liosta neamh-uileghabhlach d'fhoirmeacha gníomhaíochtaí a d'fhéadfadh a bheith i gceist

dá dtagraítear i bpointí (a), (b) agus (d) den chéad fho-mhír d'Airteagal 7(3)

Féadfaidh gníomhaíochtaí dá dtagraítear i bpointe (a), i bpointe (b) agus i bpointe (d) den chéad fho-mhír d'Airteagal 7(3) a bheith sna foirmeacha seo a leanas, i measc nithe eile:

- (a) Maidir le cruinnithe agus ócáidí *ad hoc* comhchosúla:
 - Seimineár agus ceardlann, a bhfreastalaíonn gach tír orthu den chuid is mó ina ndéantar cur i láthair agus ina ndéanann rannpháirtithe dianphlé agus gníomhaíocht maidir le hábhar ar leith;
 - Turas oibre, arna eagrú chun cur ar a gcumas d'oifigigh saineolas nó tuiscint ar chúrsaí custaim a fháil nó a mhéadú;
- (b) Maidir le comhoibriú struchtúrtha tionscadalbhunaithe:
 - Grúpa tionscadail, comhdhéanta de ghnáth de líon teoranta tíortha, a bheidh oibríochtúil ar feadh tréimhse theoranta ama chun cuspóir atá réamhshainithe, a bhfuil toradh mionsainithe ag gabháil leis, lena n-áirítear comhordú nó tagarmharcáil, a shaothrú;
 - Tascfhórsa, eadhon foirmeacha struchtúrtha comhair, de chineál buan nó neamhbhuan, a chomhthiomsaíonn a shaineolas chun tascanna i réimsí sonracha nó gníomhaíochtaí oibríochtúla a dhéanamh agus seirbhísí comhoibrithe ar líne, cúnamh riaracháin agus saoráidí bonneagair agus trealaimh mar thaca leis sin, b'fhéidir;
 - Gníomhaíocht faireacháin, arna déanamh ag comhfhoirne atá comhdhéanta d'oifigigh de chuid an Choimisiúin agus d'oifigigh de chuid na n-údarás incháilithe chun anailís a dhéanamh ar chleachtais chustaim, aon deacrachtaí a bhaineann le rialacha a chur chun feidhme a shainaithint, agus, i gcás inarb iomchuí, moltaí a dhéanamh maidir le hoiriúnú a dhéanamh ar rialacha agus ar mhodhanna oibre an Aontais;
- (d) Maidir le gníomhaíochtaí i dtaca le fothú inniúlachtaí agus acmhainneacht an duine:
 - Oiliúint choiteann nó forbairt na ríomhfhoghlama chun tacú leis na scileanna gairmiúla agus an t-eolas riachtanach i ndáil le cúrsaí custaim a neartú;
 - Tacaíocht theicniúil, a bhfuil sé mar aidhm léi nósanna imeachta riaracháin a fheabhsú, feabhas a chur ar acmhainneacht riaracháin agus feidhmiú agus oibríochtaí údarás custam a fheabhsú trí dhea-chleachtais a thionscnamh agus a chomhroinnt.

IARSCRÍBHINN 2

Táscairí

Cuspóir sonrach: Tacaíocht a thabhairt d'ullmhú agus do chur chun feidhme aonfhoirmeach reachtaíochta agus beartais custaim mar aon le comhar custaim agus fothú acmhainneachta riaracháin, lena n-áirítear inniúlacht an duine agus córais leictreonacha Eorpacha le haghaidh custaim a fhorbairt agus a oibriú.

1. Fothú Acmhainneachta (acmhainneacht riaracháin, an duine agus TF):

1. An tInnéacs maidir le Dlí agus Beartais an Aontais a Chur i bhFeidhm agus a Chur Chun Feidhme (Líon na ngníomhaíochtaí faoin gClár arna n-eagrú sa réimse sin agus moltaí arna n-eisiúint i ndiaidh na ngníomhaíochtaí sin)
2. An tInnéacs Foghlama (Na modúil foghlama arna n-úsáid; líon na n-oifigeach ar cuireadh oiliúint orthu; scór cáilíochta de réir rannpháirtithe)
3. Infhaighteacht córas leictreonach Eorpach (ó thaobh céatadán oibre de)
4. Infhaighteacht an Líonra Cumarsáide Choitinn (ó thaobh céatadán oibre de)
5. Úsáid príomhchóras leictreonach Eorpach a bhfuil sé mar aidhm leo idirnascacht a mhéadú agus dul i dtreo Aontas Custaim gan pháipéar (líon na dteachtaireachtaí arna malartú agus líon na gcomhairliúcháin arna ndéanamh)
6. An ráta críochnaithe i ndáil le CCA (céatadán na ngarspriocanna arna mbaint amach le córais CCA a chur chun feidhme)

2. Comhroinnt eolais agus líonrú:

1. Innéacs Láidreacht an Chomhoibrithe (méid an líonraithe arna dhéanamh, líon na gcrúinnithe aghaidh ar aghaidh, líon na ngrúpaí comhoibrithe ar líne)
2. An tInnéacs Dea-Chleachtas agus Treoirilínte (líon na ngníomhaíochtaí faoin gClár arna n-eagrú sa réimse seo; céatadán na rannpháirtithe a bhain leas as cleachtas oibre nó as treoirilíne arna fhorbairt nó arna forbairt agus tacaíocht á fáil ón gClár)